

Allannguutissatut siunnersuut

Uunga

Uunga siunnersuut: Pigisanit pissarsiat ilaasa akileraaruserneqartarnerat pillugu Inatsisartut inatsisaat nr. xx., xx. 2017-imeersoq

Aappassaaneernejarnissaanut Naalakkersuisunit saqqummiunneqartoq.

§ 1-imut

Qulequtaq nutaaq

1. § 7-ip kingorna qulequttatut nutaatut ilanngunneqassaaq:
”Allaffissornikkut isumaqatigiissutit”

Paragraffi nutaaq

2. Qulequttap nutaap kingorna ilanngunneqassaaq:

”§ 01. Inuunermik sillimmasiinernik aamma soraarnerussutisiaqalernissamut aaqqissuussinernik nioqquteqartunik, aningaasarsianit akileraarutit pillugit inatsimmi § 39 a, imm. 1 aamma 2 naapertorlugit kiisalu soraarnerussutisiaqalernissamut aaqqissuussinernik akileraarusiisarneq pillugu qallunaat inatsisaanni § 53 A-mi aaqqissuussinerni ilanngunneqartuni il.il. piumasaaqaatinik naammassinnittunik paasissutissanik nalunaaruteqartarneq § 4, imm. 1-imi taaneqartoq pillugu Naalakkersuisut isumaqatigiissuteqarsinnaapput.

Imm. 2. Soraarnerussutisiaqarnissaq siunertaralugu ileqqaarnernik kiisalu inuunermik sillimmasiinermik aamma soraarnerussutisiaqalernissamut aaqqissuussinernik nioqquteqartunik, aningaasarsianit akileraarutit pillugit inatsimmi 39 a, imm. 1 aamma 2 naapertorlugit kiisalu soraarnerussutisiaqalernissamut aaqqissuussinernik akileraarusiisarneq pillugu qallunaat inatsisaanni § 53 A-mi aaqqissuussinerni ilanngunneqartuni il.il. naatsorsuinerlut, soraarnerussutisiaqarsinnaatitaasut sinnerlugit akileraarutininik uninngatitsineq akiliinerlu pillugit Naalakkersuisut isumaqatigiissuteqarsinnaapput, tak. § 2, imm. 1 aamma 2, § 3, § 6 aamma § 7.”

§ 8-mut

3. § 8 ima oqaasertalerneqassaaq:

”Piaarluni imaluunniit mianersuaalliorujussuarluni § 1, imm. 1-imik, § 4-mik aamma § 5-imik unioqqutitsineq, Kalaallit Nunaanni Pinerluttulerinermi inatsit naapertorlugu pineqaatissinneqaataasinnaavoq.

Imm. 2. Piaaraluni imaluunniit mianersuaalliorujussuarluni, isumaqatigiissuteqartup pisussaanerini § 01-imi taaneqartunik unioqquitsineq, Kalaallit Nunaanni Pinerluttulerinermi inatsit naapertorlugu pineqaatissiinneqaataasinnaavoq.

Imm. 3. Inatsisartut inatsisaata matuma kingunerisaanik najoqqutassat saqqummiunneqartut malillugit Kalaallit Nunaanni Pinerluttulerinermi inatsist naapertorlugu akiligassiisoqarsinnaavoq.

Imm. 4. Inatsisartut inatsisaat imaluunniit najoqqutassat Inatsisartut inatsisaata matuma kingunerisaanik saqqummiunneqartut malillugit akileeqqusissummik aalajangersaanissamik tunngaveqartitsippata, akileeqqusissut Kalaallit Nunaanni Pinerluttulerinermi inatsimmi maleruaqqusat malillugit inatsisitigut pisinnaatitaasoq akileeqqusissummik pisussaaffilerneqarsinnaavoq.

Imm. 5. Pillaammik akiligassiisutit imm. 1-4 naapertorlugit aalajangerneqartut Nunatta Karsianut nakkartassapput.

Oqaaseqaatit nalinginnaasut

Allannguutissatut siunnersuut, soraarnerussutisiaqarsinnaatitaasut, soraarnerussutisiaqalernissamut nioqquteqartut aamma akileraaruserinermik ingerlatsiviup allaffissornikkut nammataanik annikillisaasinnaasumik, PFA Soraarnerup kissaataanik tunngaveqarpoq.

Soraarnerussutisiaqalernissamut nioqquteqartut Kalaallit Nunaata avataani angerlarsimaffillit Inatsisartunit pisussaaffilersorneqarsinnaanngillat. Taamaattumik Inatsisartut inatsisissaattut siunnersuutip tunngavigaa, soraarnerussutisiaqarsinnaatitaasut arlalinnik pisussaaffilerneqarnerat ilaatigut pigisanit pissarsiat naatsorsornissaannut kiisalu taakkuninnga akileraaruteqarnissamut.

Soraarnerussutisiaqarsinnaatitaasunut, aammali soraarnerussutisiaqalernissamut nioqquteqartut, suliassat taakku nioqquteqartunit suliarineqartalerpata iluaqutaasinnaavoq, tassani nioqquteqartut paasisutissat attuumassuteqartut tamaasa kiisalu soraarnerussutisiaqalernissamut toqqorsivinnut ataasiakkaat iserfisinnaammatigit. Akileraaruserinermik ingerlatsivimmut ilaatigut akileraarutiniq akiliinisoqarnissaanik qulakkeerinninneruneq iluaqutaassaaq.

Aalajangersakkanut ataasiakkaanut oqaaseqaatit

Nr. 1-imut

Tordersuunissaq pillugu nutaamik qulequtsiisoqarnissaa siunnersuutigineqarpoq.

Nr. 2-mut

Imm. 1-imut

Aningaaseriviit Kalaallit Nunaanni angerlarsimaffillik imaluunniit aalajangersimasumik ingerlatsivillit siunnersuummi § 4 naapertorlugu nalunaartussaannermut pisussaaffilerneqarput.

Siunnersuutigineqarpoq, soraarnerussutisiaqalernissamut nioqquteqartut, Kalaallit Nunaanni angerlarsimaffeqanngitsut, akileraaruserinermik ingerlatsivimmu assingusumik nalunaaruteqartarnissaat pillugu Naalakkersuisut isumaqatigiissuteqarsinnaanermik piginnaatinneqassasut.

Imm. 2-mut.

Aningaasaateqarfiit Kalaallit Nunaanni angerlarsimaffillit imaluunniit aalajangersimasumik ingerlatsivillit imaluunniit soraarnerussutisiaqalernissamik nioqquteqartut Kalaallit Nunaanni angerlarsimaffeqanngitsut, siunnersuut malillugu tamarmik sullitamik (soraarnerussutisiaqarsinnaatitaasut) sinnerlugit naatsorsuinissamik imaluunniit akileraarummik akiliinissamik pisussaaffilerneqanngillat.

Soraarnerussutisiaqarsinnaatitaasut, soraarnerussutisiaqalernissamik nioqquteqartut kiisalu akileraaruserinermik ingerlatsisut allaffissornikkut nammataat annikillisarumallugit, siunnersuutigineqarpoq soraarnerussutisiaqalernissamik nioqquteqartut Naalakkersuisunit isumaqateqarfigineqarsinnaasut, soraarnerussutisiaqarsinnaatitaasup pisussaaffiisa ilaanik tigusinissaannut.

Nr. 3-mut

Allannguutissatut siunnersuummi nr. 2-p kingunerisaanik, siunnersuutigineqarpoq siunnersuummi § 8-mi imm. 2-mik nutaamik ilanngussisoqassasoq taamaasilluni, soraarnerussutisiaqalernissamik nioqquteqartut, Naalakkersuisunut isumaqatigiissuteqarsimasut, piarinaatsoornikkut imaluunniit mianersuaalliorujussuarnikkut pisussaaffinnik, isumaqatigiissut naapertorlugu nioqquteqartut pisussaaffiinik unioqqutisisimasut pineqaatissinneqarsinnaasut. Assersuutigalugu, soraarnerussutisiaqalernissamik neqerooruteqartup akileraarutinin uningtatitanik naatsorsuinnginneranik imaluunniit annikippallaamik nalilerlugu naatsorsuineranik pisinnaavoq. Imaluunniit soraarnerussutisiaqalernissamik nioqquteqartup akileraarummik uningtatitsinngivinneranik pisinnaalluni.

Matuma saniatigut siunnersuummi § 8, imm. 5-imi, aalajangersakkami imm. 2 nutaaq eqqarsaatigalugu allannguutip kinguneranik allannguisoqarpoq.